



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Na osnovu člana 29, a u skladu s čl. 6. i 7. Zakona o internoj reviziji institucija Bosne i Hercegovine („Službeni glasnik BiH“, br. 27/08 i 32/12), Centralna harmonizacijska jedinica Ministarstva finansija i trezora Bosne i Hercegovine, donosi

O D L U K U

O KRITERIJIMA ZA USPOSTAVLJANJE JEDINICA INTERNE REVIZIJE
U INSTITUCIJAMA BOSNE I HERCEGOVINE

Član 1.
(Predmet Odluke)

Ovom Odlukom Centralna harmonizacijska jedinica Ministarstva finansija i trezora Bosne i Hercegovine (u daljnjem tekstu: CHJ) definiira kriterije za uspostavljanje jedinica interne revizije u skladu s članom 7. u organizacijama definiranim u članu 2. stav (2) Zakona o internoj reviziji institucija Bosne i Hercegovine (u daljnjem tekstu : Zakon).

Član 2.
(Kriteriji za uspostavljanje interne revizije)

(1) Kriteriji za uspostavljanje jedinice interne revizije su:

- a) Ukupan godišnji budžet institucije veći od 10.000.000 KM,
- b) Broj zaposlenih u instituciji viši od 200, ili da je broj zaposlenih viši od 150 ukoliko je institucija organizirana na način da ima više od dva regionalno ustanovljena organizaciona dijela,
- c) Nivo izvršenih transakcija koji, u totalu, premašuje iznos od 15.000.000 KM ili ostvarivanje prihoda od djelatnosti,
- d) Step en rizika koji je uključen, a što u skladu s članom 2. tačka cc) Zakona o finansiranju institucija BiH, predstavlja vjerovatnoću dešavanja nekog događaja koji može uticati na ostvarivanje ciljeva organizacije.

(2) CHJ posebno vodi računa o primjeni koncepta "value for money" (*eng. vrijednost za novac*) i koncepta "3E" (*ekonomičnost, efikasnost i efektivnost*) prilikom definiranja strukture interne revizije i utvrđivanja broja izvršilaca interne revizije u institucijama Bosne i Hercegovine u skladu s kriterijima iz stava (1) ovog člana.

Član 3.
(Uspostavljanje jedinica interne revizije)

Na osnovu ispunjenosti kriterija za uspostavljanje interne revizije definiranih u članu 2. ove Odluke, a u smislu odredaba propisanih članom 6. Zakona, te na osnovu podataka iz Zakona o budžetu institucija BiH i međunarodnih obaveza BiH za 2018. godinu ("Službeni glasnik BiH", broj 8/18) i usvojenih finansijskih planova institucija koje nisu obuhvaćene Zakonom o budžetu institucija BiH i međunarodnih obaveza BiH, obavezno je uspostavljanje jedinica interne revizije u sljedećim institucijama kako slijedi u Tabelaarnom pregledu:

Tabelaarni pregled

R. br.	Naziv institucije	Budžet 2018. godine	
		Ukupan godišnji budžet	Broj zaposlenih
1.	Ministarstvo odbrane Bosne i Hercegovine	288.893.000	10.011
2.	Ministarstvo vanjskih poslova Bosne i Hercegovine	57.055.000	520
3.	Uprava za indirektno oporezivanje Bosne i Hercegovine	93.870.000	2.458
4.	Granična policija Bosne i Hercegovine	77.420.000	2.371
5.	Državna agencija za istrage i zaštitu SIPA	31.509.000	789
6.	Obavještajno-sigurnosna agencija Bosne i Hercegovine	35.130.000	714
7.	Agencija za identifikacione dokumente, evidenciju i razmjenu podataka Bosne i Hercegovine IDDEEA	28.333.000	167
8.	Direkcija za koordinaciju policijskih tijela*	33.695.000	877
9.	Služba za zajedničke poslove institucija BiH	20.500.000	473
10.	Parlamentarna skupština Bosne i Hercegovine za sljedeće institucije:	39.010.000	497
	<i>Parlamentarnu skupštinu Bosne i Hercegovine</i>	15.430.000	224
	<i>Agenciju za prevenciju korupcije i koordinaciju borbe protiv korupcije</i>	1.396.000	33
	<i>Agenciju za zaštitu ličnih podataka u BiH</i>	1.365.000	27
	<i>Ured za razmatranje žalbi po javnim nabavkama</i>	2.258.000	33
	<i>Centralnu izbornu komisiju Bosne i Hercegovine</i>	11.463.000	71
	<i>Instituciju ombudsmana za ljudska prava</i>	2.678.000	63
	<i>Službeni list Bosne i Hercegovine</i>	4.420.000	46
11.	Ministarstvo pravde Bosne i Hercegovine za sljedeće institucije:	28.259.000	639
	<i>Ministarstvo pravde Bosne i Hercegovine</i>	21.447.000	535
	<i>Pravobranilaštvo Bosne i Hercegovine</i>	1.740.000	20

	Zavod za izvršenje krivičnih sankcija pritvora i drugih mjera BiH ¹	*	*
	Visoko sudsko i tužilačko vijeće Bosne i Hercegovine	5.072.000	84
12.	Ministarstvo civilnih poslova Bosne i Hercegovine za sljedeće institucije:	31.296.000	591
	Ministarstvo civilnih poslova Bosne i Hercegovine	12.105.000	150
	Agenciju za antidoping kontrolu BiH	724.000	9
	Agenciju za lijekove i medicinska sredstva BiH	5.989.000	103
	Agenciju za predškolsko, osnovno i srednje obrazovanje u BiH	1.252.000	27
	Agenciju za rad i zapošljavanje u Bosni i Hercegovini	1.130.000	31
	Agenciju za razvoj visokog obrazovanja i osiguranje kvaliteta u BiH	931.000	22
	Državnu regulatornu agenciju za radijacijsku i nuklearnu sigurnost BiH	1.064.000	19
	Komisiju za očuvanje nacionalnih spomenika BiH	1.417.000	31
	Centar za informisanje i priznavanje dokumenata iz oblasti visokog obrazovanja u BiH	739.000	16
	Centar za uklanjanje mina u Bosni i Hercegovini BHMAC	5.945.000	183
13.	Ministarstvo sigurnosti Bosne i Hercegovine za sljedeće institucije:	23.829.000	534
	Ministarstvo sigurnosti Bosne i Hercegovine	8.348.000	191
	Agenciju za policijsku podršku	1.522.000	38
	Agenciju za forenzička ispitivanja i vještačenja	1.812.000	27
	Agenciju za školovanje i stručno osposobljavanje kadrova	3.412.000	48
	Službu za poslove sa strancima Bosne i Hercegovine	8.735.000	230
14.	Ministarstvo za ljudska prava i izbjeglice Bosne i Hercegovine za sljedeće institucije:	14.386.000	182
	Ministarstvo za ljudska prava i izbjeglice BiH	10.910.000	117
	Institut za nestale osobe Bosne i Hercegovine	3.004.000	52
	Fond za povratak Bosne i Hercegovine	472.000	13
15.	Ministarstvo komunikacija i prometa Bosne i Hercegovine za sljedeće institucije:	26.158.000	306
	Ministarstvo komunikacija i prometa Bosne i Hercegovine	13.303.000	111
	Agenciju za poštanski saobraćaj Bosne i Hercegovine	884.000	12
	Direkciju za civilno zrakoplovstvo Bosne i Hercegovine	4.471.000	57
	Regulatornu agenciju za komunikacije	7.500.000	126
	Regulatorni odbor željeznica BiH ²	*	*
16.	Ministarstvo vanjske trgovine i ekonomskih odnosa Bosne i Hercegovine za sljedeće institucije:	31.287.000	641
	Ministarstvo vanjske trgovine i ekonomskih odnosa BiH	8.004.000	186
	Agenciju za sigurnost hrane Bosne i Hercegovine	1.749.000	38
	Agenciju za nadzor nad tržištem Bosne i Hercegovine	868.000	19
	Agenciju za promociju stranih ulaganja u BiH	1.490.000	30
	Institut za akreditiranje Bosne i Hercegovine	1.145.000	21
	Institut za intelektualno vlasništvo BiH	1.561.000	51
	Institut za metrologiju Bosne i Hercegovine	2.598.000	53
	Institut za standardizaciju Bosne i Hercegovine	1.565.000	40
	Instituciju ombudsmana za zaštitu potrošača u BiH	377.000	8
	Ured za veterinarstvo Bosne i Hercegovine	5.529.000	80
	Ured za harmonizaciju i koordinaciju sistema plaćanja u	643.000	15

¹ Podaci o budžetu i broju zaposlenih u Zavodu za izvršenje krivičnih sankcija, pritvora i drugih mjera BiH sadržani su u podacima Ministarstva pravde BiH.

² Podaci o budžetu i broju zaposlenih u Regulatornom odboru željeznica BiH sadržani su u podacima Ministarstva komunikacija i prometa BiH.

	<i>poljoprivredi i ruralnom razvoju</i>		
	<i>Komisiju za koncesije Bosne i Hercegovine</i>	986.000	14
	<i>Konkurencijsko vijeće Bosne i Hercegovine</i>	1.353.000	28
	<i>Upravu Bosne i Hercegovine za zaštitu zdravlja bilja</i>	1.125.000	27
	<i>Vijeće za državnu pomoć Bosne i Hercegovine</i>	465.000	9
	<i>Državnu regulatornu komisiju za električnu energiju</i>	2.206.000	22
17.	Ministarstvo finansija i trezora Bosne i Hercegovine za sljedeće institucije:	37.417.000	797
	<i>Ministarstvo finansija i trezora BiH</i>	8.159.000	173
	<i>Predsjedništvo BiH</i>	7.828.000	122
	<i>Agenciju za državnu službu Bosne i Hercegovine</i>	1.247.000	24
	<i>Agenciju za javne nabavke Bosne i Hercegovine</i>	1.162.000	24
	<i>Agenciju za osiguranje u Bosni i Hercegovini</i>	500.000	11
	<i>Agenciju za statistiku Bosne i Hercegovine</i>	4.633.000	117
	<i>Arhiv Bosne i Hercegovine</i>	695.000	20
	<i>Generalni sekretarijat Vijeća ministara BiH</i>	4.075.000	75
	<i>Direkciju za evropske integracije BiH</i>	3.741.000	107
	<i>Direkciju za ekonomsko planiranje BiH</i>	1.069.000	25
	<i>Ured koordinatora za reformu javne uprave u BiH</i>	1.614.000	37
	<i>Memorijalni centar Srebrenica – Potočari</i>	1.038.000	27
	<i>Odbor državne službe za žalbe</i>	467.000	7
	<i>Ured za zakonodavstvo</i>	680.000	19
	<i>Centralnu harmonizacijsku jedinicu MFiT BiH</i>	509.000	9
18.	Sud Bosne i Hercegovine za sljedeće institucije:	30.878.000	523
	<i>Sud Bosne i Hercegovine</i>	17.197.000	286
	<i>Tužilaštvo Bosne i Hercegovine</i>	13.681.000	237
19.	Agencija za pružanje usluga u zračnoj plovidbi Bosne i Hercegovine – BHANSA	61.947.817	451
NAPOMENA:			
- Pod svakim od navedenih rednih brojeva navedena je jedna samostalna jedinica interne revizije, kao i institucije u kojima će ta jedinica vršiti internu reviziju u skladu sa Zakonom i ovom Odlukom.			

Član 4.

(Organizacioni status interne revizije)

- (1) U skladu s odredbama člana 2. stav (2), člana 7. stav (2), te člana 11. stav (2) Zakona, preporučuje se da se u organizacionoj strukturi institucija, u okviru kojih se organizaciono uspostavlja jedinica interne revizije prema članu 3. ove Odluke, uspostavi jedinica interne revizije sa statusom osnovne organizacione jedinice koja je direktno vezana za rukovodioca organizacije, kako bi se osigurali uslovi za uspostavljanje funkcionalno nezavisne interne revizije
- (2) Status rukovodioca jedinice interne revizije, u skladu s odredbama člana 2. stav (4) Zakona, utvrđuje se pravilnikom o unutrašnjoj organizaciji, na koji Centralna harmonizacijska jedinica daje saglasnost u skladu s odredbama člana 24. stav (1) tačka f) Zakona.

Član 5.

(Usklađivanje pravilnika o unutrašnjoj organizaciji)

- (1) Institucije koje su u obavezi da, u skladu s članom 3. ove Odluke, uspostave jedinicu interne revizije, a koje do stupanja na snagu ove Odluke nisu dobile saglasnost na dio pravilnika o unutrašnjoj organizaciji u dijelu koji se odnosi na internu reviziju, dužne su izvršiti usklađivanje Pravilnika i isti dostaviti CHJ radi pribavljanja saglasnosti u skladu s članom 24. tačka f) Zakona.
- (2) Broj izvršilaca u svakoj od jedinica interne revizije odobrava CHJ u procesu davanja saglasnosti na pravilnik o unutrašnjoj organizaciji.

Član 6.

(Nadležnost Centralne jedinice interne revizije Ministarstva finansija i trezora BiH)

- (1) Centralna jedinica interne revizije Ministarstva finansija i trezora BiH ima obavezu da, u skladu s članom 6. tačkom c) i u skladu s članom 8. Zakona, vrši funkciju interne revizije u institucijama navedenim pod rednim brojem 17. Tabelarnog pregleda iz člana 3. ove Odluke, odnosno u sljedećim institucijama:
 - *Ministarstvu finansija i trezora BiH,*
 - *Agenciji za državnu službu Bosne i Hercegovine,*
 - *Agenciji za javne nabavke Bosne i Hercegovine,*
 - *Agenciji za osiguranje u Bosni i Hercegovini,*
 - *Agenciji za statistiku Bosne i Hercegovine,*
 - *Arhivu Bosne i Hercegovine,*
 - *Generalnom sekretarijatu Vijeća ministara BiH,*
 - *Direkciji za evropske integracije,*
 - *Direkciji za ekonomsko planiranje BiH,*
 - *Uredu koordinatora za reformu javne uprave,*
 - *Memorijalnom centru Srebrenica – Potočari,*
 - *Odboru državne službe za žalbe,*
 - *Predsjedništvu BiH,*
 - *Uredu za zakonodavstvo i u*
 - *Centralnoj harmonizacijskoj jedinici MFIT BiH.*
- (2) Interna revizija u institucijama iz prethodnog stava vršit će se na osnovu odobrenih strateških, godišnjih i pojedinačnih revizorskih planova Centralne jedinice interne revizije Ministarstva finansija i trezora BiH, koji se zasnivaju na procjeni rizika i na toj osnovi utvrđenih prioriteta koji osiguravaju efikasno i efektivno korištenje raspoloživih resursa.
- (3) Rukovodilac Centralne jedinice za internu reviziju Ministarstva finansija i trezora BiH će s rukovodiocem svake od institucija iz stava (1) ovog člana potpisati Povelju interne revizije, koja je usklađena s Poveljom usvojenom i odobrenom od strane CHJ (*"Službeni glasnik BiH", broj 30/18*).
- (4) Interna revizije u institucijama iz stava (1) ovog člana vršit će se na osnovu potpisanog sporazuma o vršenju interne revizije, koji je usklađen s Okvirnim tekstom sporazuma o vršenju interne revizije u institucijama Bosne i Hercegovine, koji je utvrdila CHJ (*"Službeni glasnik BiH", broj 32/18*).

Član 7.

(Nadležnost jedinica interne revizije uspostavljenih za više institucija)

- (1) Interna revizija u institucijama u kojima se interna revizija uspostavlja u skladu s odredbama člana 6. tačka b) Zakona, a koje su u Tabelarnom pregledu u članu 3. ove Odluke navedene od rednog br. 10. do rednog br. 19, vršit će se na osnovu odobrenih strateških, godišnjih i pojedinačnih revizorskih planova koji se zasnivaju na procjeni rizika i na toj osnovi utvrđenih prioriteta koji osiguravaju efikasno i efektivno korištenje raspoloživih resursa.
- (2) Rukovodioci jedinica za internu reviziju navedenih od rednog br. 10. do rednog br. 19. Tabelarnog pregleda iz člana 3. ove Odluke, treba da s rukovodiocem svake od institucija za koje ta jedinica vrši internu reviziju, potpišu Povelju interne revizije, koja je usklađena s Poveljom usvojenom od strane CHJ ("Službeni glasnik BiH", broj 30/18).
- (3) Obavljanje interne revizije u institucijama iz stava (1) ovog člana vršit će se na osnovu potpisanog sporazuma o vršenju interne revizije čiji je sadržaj utvrđen članom 8. ove Odluke, a okvirni tekst sporazuma utvrđuje CHJ posebnom odlukom koja se objavljuje u Službenom glasniku BiH.

Član 8.

(Sadržaj sporazuma o vršenju interne revizije)

Sporazum o vršenju interne revizije predstavlja pisani akt kojim se definiraju međusobni odnosi između jedinice interne revizije i institucije kojoj se pružaju usluge interne revizije, njihova prava i obaveze, kao i odgovornost internih revizora i zaposlenih u datoj instituciji, te cilj i način pružanja konsultantskih usluga interne revizije u skladu sa Zakonom i drugim propisima kojima se tretira ova problematika, a posebno s Poveljom interne revizije, Etičkim kodeksom za interne revizore, Standardima interne revizije i Priručnikom za internu reviziju u institucijama Bosne i Hercegovine.

Član 9.

(Uspostavljanje interne revizije u javnim preduzećima)

Javna preduzeća, u smislu člana 2. stav (2) Zakona, dužna su se obratiti CHJ kako bi se izvršila procjena ispunjenosti uslova i neophodnosti uspostavljanja interne revizije u tim organizacijama.

Član 10.

(Novoosnovane institucije)

Organizacije, u smislu člana 2. stav (2) Zakona, koje u skladu sa zakonskim propisima budu osnovane nakon objavljivanja ove Odluke, dužne su dostaviti CHJ svoj Pravilnik o unutrašnjoj organizaciji, u skladu s članom 24. tačka f) Zakona, radi pribavljanja saglasnosti CHJ u vezi s definiranjem načina vršenja interne revizije u ovim institucijama.

Član 11.
(Ured za reviziju institucija BiH)

Ured za reviziju institucija BiH će, u cilju poštovanja nezavisnosti definirane članom 4. Zakona o reviziji institucija BiH ("Službeni glasnik BiH", broj 12/06) i uspostavljenog sistema kontrole kvaliteta iz člana 2. istog zakona, samostalno ocijeniti postojanje potrebe da, u skladu s međunarodnim standardima i praksama, uspostavi internu reviziju.

Član 12.
(Ustavni sud BiH)

- (1) U skladu s Odlukom Ustavnog suda BiH, Broj: SU-02-411/18, od 22. marta 2018. godine, Ustavni sud BiH će samostalno ocijeniti potrebu za vršenje funkcije interne revizije u Ustavnom sudu BiH u skladu s odredbama Zakona o internoj reviziji institucija Bosne i Hercegovine.
- (2) Ukoliko Ustavni sud BiH ocijeni potrebu za vršenjem funkcije interne revizije, samostalno će izabrati jedinicu interne revizije od red. br. 10 do red. br. 18. iz člana 3. ove Odluke, te s izabranom jedinicom zaključiti poseban sporazum o vršenju interne revizije kojim će regulirati međusobna prava i obaveze. Poseban sporazum će se zasnivati na okvirnom Sporazumu o vršenju interne revizije koji objavljuje CHJ.
- (3) Kopije potpisanog sporazuma s izabranom jedinicom interne revizije dostavljaju se CHJ u svrhu evidentiranja i izvještavanja.

Član 13.
(Stupanje na snagu)

- (1) Ova Odluka stupa na snagu 8 (osam) dana od dana objave u "Službenom glasniku BiH".
- (2) Danom objavljivanja ove Odluke prestaje da važi Odluka o kriterijima za uspostavljanje jedinica interne revizije u institucijama BiH ("Službeni glasnik BiH", br.: 49/12 i 69/17).

Broj: 02-1-02-4-250-1/19

Sarajevo, 27.08.2019. godine



DIREKTOR

Ranko Šakota